


LIBROS



**O LIBRO DOS OCEANOS :
QUE AMEAZA O MAR?**

Esther Gonstalla (aut.), Patricia Buxán (traduc.)
Catro Ventos
Galego (129 páx.) 2018
ISBN: 9788494591792

Verteduras de petróleo, sobrepesca, illas de refugallos plásticos... Hai tempo que os nosos mares deixaron de ser fonte de saúde, alimento e benestar. Nas últimas décadas, a contaminación e o espolio dos océanos aumentaron de forma notábel. Mais, cal é o auténtico estado do meirande ecosistema da Terra? Malia vivir desde sempre do mar e co mar, hoxe en día segue a ser un dos territorios máis descoñecidos do planeta. Esta falta de coñecemento podería converterse na ruína do océano e, en consecuencia, na ruína do ser humano.

Cun deseño atractivo e informativo, e textos ben documentados, co apoio científico da *German Ocean Foundation*, Esther Gonstalla retrata neste libro as relacións que existen entre a actividade humana e os cambios que sofre o mar, un retrato que, alén de convidar á reflexión, se converte nun recurso para a acción.



**INFORME PLANETA VIVO 2018 :
APUNTANDO MÁS ALTO**


Monique Grooten e Rosamunde Almond
Fondo Mundial para la Naturaleza
(WWF Internacional)
Español (144 páx.), 2018

No ano 1998, WWF publicaba por primeira vez o "Informe Planeta Vivo". En 2018 sae á luz a 12ª edición deste informe científico imprescindible para coñecer o estado mundial da biodiversidade e dos recursos naturais dos que os seres humanos dependemos para vivir.

O "índice Planeta Vivo" da edición 2018 revela que a poboación mundial de peixes, aves, mamíferos, anfibios e réptiles diminuíu un 60% entre 1970 e 2014, debido ás actividades humanas. Somos cada vez máis pobres en recursos e máis ricos en lixo.

Consulta o Informe en:
https://www.wwf.es/nuestro_trabajo_/informe_planeta_vivo/informe_planeta_vivo_2018/

GUÍAS



**LÁ FORA – GUIA PARA DESCOBRIR
A NATUREZA**


Maria Ana Peixe Dias, Inês Teixeira do
Rosário e Bernardo P. Carvalho
Portugués (368 páx.), 2014
ISBN: 9789898145581

De quem será esta pegada? O que faz aquí esta minhoca? Será un sapo ou uma rã? Como se chama esta árbore?

Mesmo que moremos numa grande cidade, existe sempre natureza lá fora: nuvens e estrelas, árbores e flores, rochas e praias,

aves, répteis ou mamíferos. O que esperamos entón? Saltemos do sofá e iniciemos a exploración!

Criado com a colaboración de uma equipa de especialistas portugueses, este livro pretende despertar a curiosidade sobre a fauna, a flora e outros aspectos do mundo natural que podem ser observados em Portugal. Inclui também propostas de actividades e muitas ilustrações, para ajudar toda a família a ganhar balanço, sair de casa e descobrir – ou simplesmente contemplar – todo o mundo incrível que existe “Lá fora”.



EL ARTE DE VER LAS COSAS

John Burroughs
Errata Naturae
Español (322 páx.), 2018
ISBN: 9788416544851

John Burroughs foi un incansábel camiñante, un magnífico escritor e un clarividente pensador. A súa obra é unha das pezas chave para entender toda a tradición da *nature writing*, pois é, xunto con Henry David Thoreau, o máis importante naturalista norteamericano. Para moitos, Burroughs era unha especie de Thoreau nunha versión máis divertida, próxima e sociábel, pero igualmente combativo e irreverente: tal e como afirmou sobre si mesmo, prefería “estar ao coidado dunhas cantas cabezas de gando que ser o garda do selo da nación”.

Para este libro, Errata Naturae preparou unha antoloxía dos seus mellores ensaios, todos inéditos até a data en español. Neles, a natureza enlaza coa filosofía, a observación coa reflexión, a vida salvaxe co pensamento indómito, a poesía coa omitoloxía, a infancia co futuro, o camiñante co inesperado, o sagrado co cotián..., e tantas outras que estades convidadas a descubrir.



DECÁLOGO CIDADÁN CONTRA OS LIXOS MARIÑOS

AEBAM
Galego, 2018
<http://aebam.org/>

A Asociación Española de Basuras Marinas (AEBAM) vén de editar o Decálogo cidadán contra os lixos mariños. Este decálogo pode asinarse e descargarse desde a páxina web <http://aebam.org>.

O decálogo publicouse en galego, éuscaro e catalán, para difundilo a todos os territorios do Estado e procurar a adhesión de máis axentes contra as verteduras no mar de plásticos, teas, madeira, metais, vidro, papel...

Un dos grandes retos ambientais aos que nos enfrontamos na actualidade é o do lixo mariño, polo que se debe intentar achegar esta problemática a toda a cidadanía, así como procurar cambios de comportamentos e de consumos máis sustentábeis.